

نومرو : ۱۷

ایکینجی سنہ

علم حقوق

مقائیسہ قوانین مجسمہ و عری

ہر آی نشر اولنور

مؤسس و صاحب

کرمیچہ مہرئی : محمد عارف

احمد شعیب

مملکتتمزك ارباب عرفانی آره‌سنده بو محترم نامی ، احمد شعبی ، طانیایان یوقدر . احمد شعیب مکتب حقوقده تحصیل ایله مشغول اولدینی صررده بر طرفدن درسارینه چالیشیر، دیگر جهتندن اوروپا ترقیات علمیه‌سنی صورت منتظمه‌ده تعقیب ایدردی . آنک ایچوندرکه حقوق تحصیلانی اکالدن پک آز مدت صکره « ثروت فنون » ده ا . ش . امضاسیله غایت جدی مقالات علمیه نشرینه باشلادی . اووقته قدر مجهول اولان بو محترم امضا بوتون قارئلرک نظر دقتی جلب ایددی . او ائنده شعبیک هیچ بر مشغولیت رسمیه‌سی اولمديغندن خانه‌سنه قاپانیر ، هیچ بر طرفه چیقماز ، یکانه ذوقیاب اولدینی تبعات و تدقیقات علمیه ایله مشغول اولوردی . آره‌صره « حیات و کتابلر » ی و حقوق دوله عائد مقالهلر نشر ایدردی . بو مقالهلر او ائنده مکتب حقوقده حقوق دول و حقوق اداره معلمی بولنان حقی پک افندی حضرترلر- ینک [۱] مظهر تقدیری اوله‌رق شعیب پک ایله کوروشور و کندیسنه معاون اولسنی تکلیف ایدر . شعبیک حیاتده غایه‌املی اوقومق ، اوقومق و یازمق و بو وجهله مملکتته ، انسانیتیه خدمت ایتک اولدینی ایچون ایکنجی املنک حصولپذیر اولسنی تأمین ایده‌جک اولان بو تکلیفی درحال قبول ایله درسّه دوامه باشلادی . اشته اووقت شعیب نامی دائماً تجیل ایدن طلبه طلمنجه‌وبندکه

بوتون مشتاقان معلومات وعرفانجه مجهرلیدن چيقدی .. طاندی . استاد محترمك درسه كله. ديكی كونلر شعیب كرسی تدریسه چیقار ، پك واسع اولان معلوماتی كندیسه خاص اولان بلیغ و سلیس بر افاده ، و اوزمانده سويلنمسی محذوردن سالم اولمیه حق ؟ بر سربستی ایله تشنكان معرفته طلبه سنه ، تعالیم و تدریس ایدر . استاد محترمك غیوبیتی حس ایتدیرمزدی .

شعیب بو وجهله باشلامش اولدینی حیات تعلیمیه ده كوندن كونه ترقی ایتیش و مملكتتمزك اك بویوك بره فهورلرندن اولمش ایدی . شعیب حیات علمیه سنده مملكتتمزك اك بویوك بر نقصانی اولمق اوزره مكمل بر تاریخ عثمانینك فقدانی كوروروبو نقصانی اكال ایچونده تاریخ عثمانی ایله پك زیاده مشغول اولوردی . كرك توركجه و كرك فرانسیزجه اوله رقی تاریخ عثمانی به عائد بوتون آثارى تتبع و تدقیق ایتیش و بر كون أونده كوریسبوركن حاضر لامقده اولدینی « تاریخ عثمانی » ایچون آلمش اولدینی نوطه لری بكا كوسترمش ایدی .

مرحومه مخصوص اینجه و كوچك حروف ایله دولدیرلمش اولان اوچ كوچك و قالین دفترده كلیخانه خط هایونندن اعتباراً بر قاچ سنه اولنه قدر اولان تاریختمزك اساساتی بر صورت منتظمه ده یازلمشدر . مرحومك نام محترمی الى الابد یاده وسیله اوله حق اشبو اثر مفیدك نشری كرك عائله سنك و كرك اوداء صمیمیه سنك اك برنجی بورجی و وظیفه سیدر .

احمد شعیب حیات خصوصیه سنده پك ساده و صمیمی ایدی . پك آز كیمسه ایله كوریشور ؛ فقط دائرة صمیمیه سنه آلمش اولدینی دوستترینه قارشى بویوك فداكارلىق كوستردی .

جدیت و صمیمیتی هر وقت تمامیه محافظه ایتیش ایدی . كندیسنك ذكا و عرفانندن دها پك چوق سنه لر محقق استفاده ایدیه جك ، كتیبخانه مایمزه دها بر چوق آثار مفیده علمیه اتحاف ایده بیله جك كنج یاشنده ارحال ایتیمی عائله سی ، اوداسی و بوتون مشتاقان علم و معرفت ایچون پك عمیق حزن و تأثری موجب اولمشدر . شعیب خاك ابدیده قالدقجه كندیسنی طانیانلر ، آثارینی اوقویانلر ، فی ، نام محترمی دائما خرمته یاد ایده جكلردر .

تاریخ وفاتی : ۲ كانون اول ۱۳۶۱ و ۱۳ ذی الحجه ۱۳۶۸